

12. oktober 2016

UKA2016/114-116

Uunga siunnersuut: Ukiumoortumik naatsorsuusiortarnermut inatsisip allanngortinneqarneranik inatsisini assigiinngitsuni aalajangersakkat aalajangersimasut atuutilernissaat pillugu Kalaallit Nunaannut peqqussummut Namminersorlutik Oqartussat oqaaseqaatissaat pillugu Inatsisartut aalajangiiffigisassaattut siunnersuut.

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Uunga siunnersuut: Naatsorsuuserinermit inatsisip allanngortinneqarneranik inatsisini assigiinngitsuni aalajangersakkat aalajangersimasut atuutilernissaat pillugu Kalaallit Nunaannut peqqussummut Namminersorlutik Oqartussat oqaaseqaatissaat pillugu Inatsisartut aalajangiiffigisassaattut siunnersuut.

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

(Imm. 114 aamma 116 ataqatigiisillugit siullermeerneqassapput.)

Aalajangiiffigisassatut siunnersuummi siunertarineqarpoq Inuussutissarsiornermi inatsisinik ataatsimoortumik nutarteriffigalugit ingerlatsinikkut allaffissornikkut oqilisaanerit isigiutigalugit naleqqusaanissaq ingerlanneqassasoq.

Naleqqusaanerit pineqartut pingaarnersiuiinermit tassaapput ukiumoortumik naatsorsuusiortarnermut inatsimmi allannguutit suliffeqarfinnut mikinerusunut imaluunniit angisuujunerusunut naatsorsuisarnermi periutsit tulluusarlugit qaffattarnerisigut imaluunniit appartarnerisigut nalimmassaavigineqartussat. Pingaartinneqarpoq piumasaqaatigineqartartut ilaatigut oqilisaanikkut nalimmassarneqassasut aammali naatsorsuusiortarnermi pisussaaffiit tulluusarneqarsinnaalerlutik.

Naatsorsuutiniq toqqortaqaqarnermut malittarisassattaq allanngortinneqarniarput, taamaasilluni naatsorsuutit elektroniskiusumik pigisat toqqortarineqartut pillugit allanngortitsisoqassalluni. Taamaatorli pingaaruteqarpoq nakkutilliinermit misissuinernullu atatillugu naatsorsuutini paasissutissat pisariaqartut tamatigut pissarsiarineqarsinnaanissaat, tamannalu qulakkeerneqarpoq.

Allannguutissat Ingerlatseqatigiiffiit kissaataanut naapertuuttut tusarniaanermi akissutigineqartunit erserpoq, tamaammat annerusumik oqaaseqarfiginagit aappasaanerinissamut taama isikkoqartillugu ingerlateqqinneqassasut innersuussutigaarput

Suka K.Frederiksen
Siumut